



Broj: 02-04-27491-7/24
Sarajevo, 09.05.2024. godine

Na osnovu člana 26. i člana 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i Zakona o imovini Kantona Sarajevo („Službene novine Kantona Sarajevo“, broj: 06/97) Vlada Kantona Sarajevo, na **23. sjednici održanoj 09.05.2024. godine**, donijela je

ZAKLJUČAK

1. Utvrđuje se prijedlog Odluke o davanju saglasnosti Ministarstvu zdravstva Kantona Sarajevo za doniranje sanitetskog vozila sa pratećom opremom marke Peugeot, broj šasije VF3YBBPFBPG067335, broj motora 10DZ944251849 Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS“ Srebrenica.
2. Prijedlog odluke iz tačke 1. ovog zaključka dostavlja se Skupštini Kantona Sarajevo, na nadležno odlučivanje.
3. Ovaj zaključak stupa na snagu danom donošenja.

PREMIJER

Nihad Uk

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo,
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Zavod zdravstvenog osiguranja Kantona Sarajevo (putem Ministarstva zdravstva Kantona Sarajevo)
6. Ministarstvo finansija Kantona Sarajevo,
7. Ministarstvo zdravstva Kantona Sarajevo,
8. Evidencija,
9. A r h i v a.



Na osnovu člana 18. stav 1. tačka m) Ustava Kantona Sarajevo ("Službene novine Kantona Sarajevo", br: 1/96, 2/96, 3/96, 16/97, 14/00, 4/01, 28/04, 6/13 i 31/17), člana 8. stav (1) Zakona o imovini Kantona Sarajevo ("Službene novine Kantona Sarajevo br. 6/97) i člana 119. Poslovnika Skupštine Kantona Sarajevo – Novi prečišćeni tekst ("Službene novine Kantona Sarajevo" br. 41/12, 15/13, 47/13, 47/15, 48/16, 9/20, 14/20, 16/22) Skupština Kantona Sarajevo na sjednici od _____. 2024. godine, donijela je

Prijedlog

O D L U K U

**o davanju saglasnosti za doniranje sanitetskog vozila sa pratećom opremom
Zdravstvenoj ustanovi Ambulanta za liječenje, zdravstvenu njegu i rehabilitaciju
„EMMAUS" Srebrenica sanitetskog vozila sa pratećom opremom**

I

Daje se saglasnost Ministarstvu zdravstva Kantona Sarajevo za doniranje sanitetskog vozila sa pratećom opremom marke Peugeot, broj šasijske VF3YBBPFBPG067335, broj motora 10DZ944251849, koje se vodi u evidenciji osnovnih sredstava navedenog ministarstva Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS" Srebrenica.

II

Ministarstvo zdravstva Kantona Sarajevo će izvršiti isknjižbu iz evidencije osnovnih sredstava ovog ministarstva vozilo iz tačke I ove odluke.

III

Za realizaciju ove odluke zadužuje se Ministarstvo zdravstva Kantona Sarajevo.

IV

Ova odluka stupa na snagu danom donošenja i objavit će se u „Službenim novinama Kantona Sarajevo“.

Broj: _____
Sarajevo, _____. 2024. godine

**Predsjedavajući
Skupštine Kantona Sarajevo**

Elvedin Okerić

O B R A Z L O Ž E N J E

I - PRAVNI OSNOV

Pravni osnov sadržan je u članu 18. stav 1. tačka m) Ustava Kantona Sarajevo ("Službene novine Kantona Sarajevo", br: 1/96, 2/96, 3/96, 16/97, 14/00, 4/01, 28/04, 6/13 i 31/17), članu 8. stav (1) Zakona o imovini Kantona Sarajevo ("Službene novine Kantona Sarajevo br. 6/97) i članu 119. Poslovnika Skupštine Kantona Sarajevo – Novi prečišćeni tekst ("Službene novine Kantona Sarajevo" br. 41/12, 15/13, 47/13, 47/15, 48/16, 9/20, 14/20, 16/22).

II - RAZLOZI ZA DONOŠENJE

Ministarstvu zdravstva Kantona Sarajevo obratila se Zdravstvena ustanova Ambulanta za liječenje, zdravstvenu njegu i rehabilitaciju „EMMAUS" Srebrenica molbom za nabavku sanitetskog vozila sa pratećom opremom. Molbom za nabavku pomenutog vozila ova ustanova obratila se Ministarstvu zdravstva Kantona Sarajevo kako bi se osigurala brža i kvalitetnija medicinska pomoć, te kako bi se potrebe povratničkih porodica i majki Srebrenice tretirale na što adekvatniji način.

Uzimajući u obzir opredjeljenje Vlade Kantona Sarajevo da povratničke porodice i majke Srebrenice imaju okruženje u kojem se osjećaju podržano i dostojanstveno Vlada Kantona Sarajevo je donijela Odluku o davanju saglasnost Ministarstvu zdravstva Kantona Sarajevo da izvrši nabavku sanitetskog vozila sa pratećom opremom za potrebe zdravstvene ustanove ambulanta za liječenje, zdravstvenu njegu i rehabilitaciju "EMMAUS" Srebrenica ("Službene novine Kantona Sarajevo" broj: 35/23). Odobrena sredstva za ovu namjenu su bila sredstva u visini 117.000 KM. Procjena potrebnih sredstava temeljila se na istraživanju tržišta, a koje je proveo Sektor za javne nabavke, preventivne programe i projekte ovog ministarstva, u kojoj je došlo do previda u visini potrebnih sredstava u dijelu koji se odnosi na PDV. Stvarna procijenjena vrijednost nabavke sanitetskog vozila sa pratećom opremom za potrebe Zdravstvene ustanove Ambulanta za liječenje, zdravstvenu njegu i rehabilitaciju „EMMAUS" Srebrenica iznosila je 137.000 KM. Na osnovu navedenog, Vlada Kantona Sarajevo je donijela Odluku o izmjeni Odluke o davanju saglasnosti Ministarstvu zdravstva Kantona Sarajevo da izvrši nabavku sanitetskog vozila sa pratećom opremom za potrebe zdravstvene ustanove ambulanta za liječenje, zdravstvenu njegu i rehabilitaciju "EMMAUS" Srebrenica ("Službene novine Kantona Sarajevo" broj: 40/23).

Sredstva u iznosu 137.000 KM za realizaciju ove odluke obezbjeđena su putem preraspodjele sredstava u razdjelu Ministarstva zdravstva Kantona Sarajevo, i to sa pozicije 614300 - KAN083 - Prevencija, očuvanje i unaprjeđenje zdravlja stanovništva Kantona Sarajevo (izvor 50) na poziciju 821300 - Nabavka opreme (Odluka Ministarstva finansija Kantona Sarajevo o preraspodjeli sredstava u Budžetu Kantona Sarajevo za 2023. godinu za budžetskog korisnika Ministarstvo zdravstva Kantona Sarajevo, broj: 08-01-11-34813/23 od 04.08.2023. godine).

Postupak javne nabavke navedenog vozila provelo je Ministarstvo zdravstva Kantona Sarajevo, obzirom da je ovo ministarstvo informisano od strane predstavnika ZU „EMMAUS" Srebrenica da navedena ustanova ne raspolaže kapacitetima za provođenje istog. Nabavka predmetnog vozila je okončana i vozilo je isporučeno ovom ministarstvu.

III - PRIJEDLOG ODLUKE SKUPŠTINE

Obzirom da je nabavka predmetnog vozila finansirana sa pozicije 821300 - Nabavka opreme, te da je vozilo uknjiženo na Ministarstvo zdravstva Kantona Sarajevo, predlažemo Skupštini Kantona Sarajevo da donese Odluku o davanju saglasnosti na odluku o donaciji sanitetskog vozila sa pratećom opremom.



Bosnia and Herzegovina
Federation of Bosnia and Herzegovina
CANTON SARAJEVO
Ministry of Finance

Broj: 08/03-02-24547/24 NB
Sarajevo, 19.04.2024. godine

KANTON SARAJEVO **MINISTARSTVO ZDRAVSTVA**

Predmet: Mišljenje na Prijedlog odluke o davanju saglasnosti za doniranje sanitetskog vozila sa pratećom opremom Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS“ Srebrenica sanitetskog vozila sa pratećom opremom.

Veza: Vaš dopis br.: 10-11-24187-3/24 od 18.04.2024. godine.

Vezano za Vaš zahtjev za mišljenje na Prijedlog odluke o davanju saglasnosti za doniranje sanitetskog vozila sa pratećom opremom Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS“ Srebrenica sanitetskog vozila sa pratećom opremom, u skladu sa članom 8. Pravilnika o proceduri za izradu izjave o fiskalnoj procjeni zakona, drugih propisa i akata planiranja na budžet („Službene novine Federacije BiH“, br. 34/16 i 15/18), dajemo sljedeće mišljenje:

Ministarstvo zdravstva Kantona Sarajevo je postupilo u skladu sa navedenim Pravilnikom i Ministarstvu finansija uz Prijedlog odluke dostavili na mišljenje popunjen i potpisan obrazac IFP-NE u kojem je data sljedeća izjava: „Za realizaciju Odluke o davanju saglasnosti za doniranje sanitetskog vozila sa pratećom opremom Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS“ Srebrenica sanitetskog vozila sa pratećom opremom nisu potrebna dodatna sredstva iz Budžeta Kantona Sarajevo obzirom da je nabavka predmetnog vozila već realizovana iz sredstava Budžeta Kantona Sarajevo obezbjeđenim za ove namjene“.

Obzirom da za provođenje Prijedloga odluke nisu potrebna dodatna sredstva iz Budžeta Kantona Sarajevo, na navedeni Prijedlog odluke o davanju saglasnosti za doniranje sanitetskog vozila sa pratećom opremom Zdravstvenoj ustanovi Ambulanta za liječenje, zdravstvenu njegu i rehabilitaciju „EMMAUS“ Srebrenica sanitetskog vozila sa pratećom opremom, Ministarstvo finansija, sa aspekta fiskalnog učinka na Budžet, **nema primjedbi.**



Ovo mišljenje je dato u skladu sa odredbama Prijedloga odluke koja se obrađuje i podataka navedenih u Obrascu IFP-NE Izjave o fiskalnoj procjeni, čija tačnost je u isključivoj odgovornosti Predlagača, te ukoliko se naknadno utvrdi da navedene odredbe i podaci odstupaju od stvarno činjeničnog stanja, ovo mišljenje će se staviti van snage.

MINISTAR

Dr. Atan Kalamujić



Dostaviti:

- ① Naslovu
2. MF-Sektor za budžet i fiskalni sistem
3. a/a

Pripremio: Nedžad Bašić, dipl.ecc.

Kontrolisala: Amina Močević, mr. oec



Adresa: Maršala Tita 62, 71 000 Sarajevo
Tel: + 387 (0) 33 565-005, Fax: + 387 (0) 33 565-052
Web: <http://mf.ks.gov.ba>, E-mail: mf@mf.ks.gov.ba

2/2

Bosna i Hercegovina
Federacija Bosne i Hercegovine
KANTON SARAJEVO
Pravobranilaštvo Kantona Sarajevo



Босна и Херцеговина
Федерација Босне и Херцеговине
КАНТОН САРАЈЕВО
Правобранилаштво Кантона Сарајево

Bosnia and Herzegovina
Federation of Bosnia and Herzegovina
CANTON SARAJEVO
Public Defender's Office of Sarajevo Canton

Broj: M-81/24
Sarajevo, 03.05.2024. godine

Bosna i Hercegovina
Federacija Bosne i Hercegovine
KANTON SARAJEVO
Ministarstvo zdrastva

Predmet: Očitovanje po zahtjevu za dostavljanje mišljenja, dostavlja se

Veza: vaš akt broj 10-11-24187-1/24 od 18.04.2024., godine


Vašim aktom broj i datum veze, koji je Pravobranilaštvo Kantona Sarajevo (u daljem tekstu: Pravobranilaštvo) zaprimilo dana 22.04.2024. godine tražite mišljenje na Prijedlog Odluke o davanju saglasnosti Ministarstvu zdrastva Kantona Sarajevo za doniranje sanitarnog vozila sa pratećom opremom Zdrastvaenoj ustanovi Ambulanta za liječenje, zdravstvenu njegu i rehabilitaciju "EMMAUS" Srebrenica.

U odnosu na vaš zahtjev za mišljenje na gore navedeni Prijedlog Odluke shodno odredbama Zakona o pravobranilaštvu, očitujemo se kao slijedi:

Prema odredbama Zakona o pravobranilaštvu prethodno pravno mišljenje Pravobranilaštvo daje u postupku donošenja općih akata, kojim se uređuju imovinsko-pravni odnosi, prava i obaveze prema stvarima i vlasništvu kantona, kao i u vezi sa zaključivanjem ugovora imovinsko-pravne prirode, pri čemu su organi i pravna lica navedena u Zakonu o pravobranilaštvu dužni pribaviti pravno mišljenje Pravobranilaštva prije zaključenja ugovora o kupoprodaji, zamjeni, zakupu, prenosu na privremeno i trajno korištenje stvari uz naknadu ili bez nakande, ugovora o koncesiji, ugovora o građenju i udruživanju sredstava za građenje, ugovora o statusnim i ugovornim oblicima povezivanja preduzeća, kao i drugih ugovora kojima se pribavljaju stvari ili raspolaze stvarima, odnosno materijalnim pravima.

Odluka Skupštine Kantona o davanju saglasnosti Ministarstvu zdrastva Kantona Sarajevo za doniranje sanitarnog vozila sa pratećom opremom Zdrastvaenoj ustanovi Ambulanta za liječenje, zdravstvenu njegu i rehabilitaciju "EMMAUS" Srebrenica je pojedinačni akt i kao takav ne podliježu pribavljanju mišljenja ovoga Pravobranilaštva sukladno gore navedenim zakonskim odredbama.

v.d. PRAVOBRANILAC KANTONA SARAJEVO



<http://pb.ks.gov.ba>, e-mail: pb@pb.ks.gov.ba
Tel/fax: +387(0)33 214-033, +387(0)33 666-614 +387(0)33 226-024
Sarajevo, Branilaca Sarajeva 21



SLUŽBENE NOVINE KANTONA SARAJEVO

Godina XXVIII - Broj 35

Četvrtak, 17. 8. 2023. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 20. sjednici održanoj 03.08.2023. godine, donijela je

ODLUKU

**O DAVANJU SAGLASNOSTI MINISTARSTVU
ZDRAVSTVA KANTONA SARAJEVO DA IZVRŠI
NABAVKU SANITETSKOG VOZILA SA PRATEĆOM
OPREMOM ZA POTREBE ZDRAVSTVENE
USTANOVE AMBULANTA ZA LIJEČENJE,
ZDRAVSTVENU NJEGU I REHABILITACIJU
"EMMAUS" SREBRENICA**

I

Daje se saglasnost Ministarstvu zdravstva Kantona Sarajevo da izvrši nabavku sanitetskog vozila sa pratećom opremom za potrebe Zdravstvene ustanove Ambulanta za liječenje, zdravstvenu njegu i rehabilitaciju "EMMAUS" Srebrenica u procijenjenoj vrijednosti od 117.000 KM sa uračunatim PDV-om.

II

Sredstva iz tačke I ove odluke obezbijedit će se u Budžetu Kantona Sarajevo za 2023. godinu na razdjelu Ministarstva zdravstva Kantona Sarajevo, ekonomski kod 821300 - Nabavka opreme, putem preraspodjele u okviru odobrenog budžeta Ministarstva zdravstva Kantona Sarajevo.

III

Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-04-34577-2/23
03. augusta 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 54. stav

(2) tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), Vlada Kantona Sarajevo, na 20. sjednici održanoj 03.08.2023. godine, donijela je

ODLUKU

**O IZMJENI ODLUKE O OSNIVANJU
KOORDINACIONOG TIMA ZA BORBUTIV
TRGOVINE LJUDIMA KANTONA SARAJEVO**

Član 1.

(Izmjena člana 7.)

U Odluci o osnivanju Koordinacionog tima za borbu protiv trgovine ljudima Kantona Sarajevo ("Službene novine Kantona Sarajevo", broj 17/20, 24/21, 45/21, 49/21 i 9/23), članu 7. stav (2) tačka j) umjesto "Kadrić Marijana i Dizdarević Sanjin" treba da stoji "Zlatan Kišić i Aida Jamaković".

Član 2.

(Stupanje na snagu)

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-34577-3/23
03. augusta 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), člana 6. stav (4) Kolektivnog ugovora za djelatnost visokog obrazovanja i nauke na Univerzitetu u Sarajevu ("Službene novine Kantona Sarajevo", broj 13/21 i 47/22) i Zaključka Vlade Kantona Sarajevo, broj 02-04-51323-71/23 od 29.12.2022. godine, Vlada Kantona Sarajevo, na 20. sjednici održanoj 03.08.2023. godine, donijela je

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 25. sjednici održanoj 07.09.2023. godine, donijela je

ODLUKU

O IZMJENI ODLUKE O DAVANJU SAGLASNOSTI MINISTARSTVU ZDRAVSTVA KANTONA SARAJEVO DA IZVRŠI NABAVKU SANITETSKOG VOZILA SA PRATEĆOM OPREMOM ZA POTREBE ZDRAVSTVENE USTANOVE AMBULANTA ZA LIJEČENJE, ZDRAVSTVENU NJEGU I REHABILITACIJU "EMMAUS" SREBRENICA

I

U Odluci o davanju saglasnosti Ministarstvu zdravstva Kantona Sarajevo da izvrši nabavku sanitetskog vozila sa pratećom opremom za potrebe Zdravstvene ustanove Ambulanta za liječenje, zdravstvenu njegu i rehabilitaciju "EMMAUS" Srebrenica, broj 02-04-34577-2/23 od 03.08.2023. godine ("Službene novine Kantona Sarajevo", broj 35/23), u tački I umjesto broja: "117.000", treba da stoji broj "137.000".

II

Ostale odredbe predmetne odluke ostaju nepromijenjene.

III

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-39464-8/23
07. septembra 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 25. sjednici održanoj 07.09.2023. godine, donijela je

ODLUKU

O IZMJENI ODLUKE O DAVANJU SAGLASNOSTI JAVNOJ USTANOVI PSIHIJATRIJSKA BOLNICA KANTONA SARAJEVO ZA POPUNU UPRAŽNJENIH RADNIH MJESTA, BROJ 02-04-6666-23/23 OD 16.03.2023. GODINE

I

U Odluci broj 02-04-6666-23/23 od 16.03.2023. godine, kojom je data saglasnost Javnoj ustanovi Psihijatrijska bolnica Kantona Sarajevo za popunu upražnjenih radnih mjesta, u tački I mijenja se alineja I na način da umjesto riječi "kotlovničar" treba da stoje riječi "rukovalac kotlovskih postrojenja centralnog grijanja", a ostali tekst ostaje nepromijenjen.

II

Ova odluka je sastavni dio Odluke o davanju saglasnosti Javnoj ustanovi Psihijatrijska bolnica Kantona Sarajevo za popunu upražnjenih radnih mjesta, broj 02-04-6666-23/23 od 16.03.2023. godine.

III

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-04-39464-9/23
07. septembra 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravke), a u vezi sa članom 8., 18., 19. i 27. Zakona o razvojnom planiranju i upravljanju razvojem u Federacije Bosne i Hercegovine ("Službene novine Federacije BiH", broj 32/17) i članom 9. stav (4) i (5) i članom 10. Uredbe o izradi strateških dokumenata u Federaciji Bosne i Hercegovine ("Službene novine Federacije BiH", broj 74/19), Vlada Kantona Sarajevo, na 25. sjednici održanoj 07.09.2023. godine, donijela je

ODLUKU

O IZRADI STRATEGIJE DEMOGRAFSKOG RAZVOJA KANTONA SARAJEVO 2022-2031

I

1. Pokreće se proces izrade Strategije demografskog razvoja Kantona Sarajevo 2022 - 2031 (u daljem tekstu: Strategija demografskog razvoja Kantona Sarajevo).
2. Strategija demografskog razvoja Kantona Sarajevo je integrirani multisektorski strateški dokument Kantona Sarajevo koji definiše javne politike u oblasti demografskog razvoja, usmjerava demografski razvoj Kantona Sarajeva i predstavlja putokaz za demografski razvoj i sveukupni društveni razvoj.

II

U procesu izrade Strategije demografskog razvoja Kantona Sarajevo primjenjivati će se načela razvojnog planiranja i upravljanja razvojem shodno Zakonu o razvojnom planiranju i upravljanju razvojem u Federaciji Bosne i Hercegovine.

III

1. Strategija demografskog razvoja Kantona Sarajevo je strateški dokument koji, između ostalog, utvrđuje prioritete u demografskom razvoju i predstavlja putokaz za razvoj stanovništva Kantona Sarajevo, uzimajući u obzir njegovu demografsku dimenziju. Strategijom demografskog razvoja Kantona Sarajevo utvrđuju se ciljevi i prioritete demografskog razvoja Kantona Sarajevo, način njihovog ostvarivanja, finansijski i institucionalni okvir za implementaciju, monitoring, evaluacija i izvještavanje.
2. Strateško planiranje razvoja nalažu evropske prakse i dinamike strateškog planiranja, a zahvaćanje sredstava iz pretprijetnih fondova Evropske unije nalaže obaveznost izrade i strateških razvojnih dokumenata. Izrada sektorskih strategija poput ove, nalažu i nova zakonska rješenja u oblasti razvojnog planiranja u Federaciji Bosne i Hercegovine, odnosno Zakon o razvojnom planiranju i upravljanju razvojem u Federaciji BiH i Uredba o izradi strateških dokumenata u Federaciji BiH.
3. Strategija demografskog razvoja Kantona Sarajevo se izrađuje na osnovu Strategije razvoja Kantona Sarajevo 2021-2027., prioriteta sektorskih strategija u Federaciji i strateških dokumenata na nivou BiH, te dokumenata relevantnih za proces integracije Bosne i Hercegovine u Evropsku uniju.

IV

1. Nositelj izrade Strategije demografskog razvoja Kantona Sarajevo je Ministarstvo za rad, socijalnu politiku, raseljena lica i izbjeglice Kantona Sarajevo.
2. Učesnici u izradi Strategije demografskog razvoja Kantona Sarajevo su ministarstva u Vladi Kantona Sarajevo, organi uprave Kantona Sarajevo i svi drugi

ZAKON O IMOVINI KANTONA SARAJEVO

Član 1.

Ovim zakonom utvrđuje se imovina Kantona Sarajevo (u daljem tekstu: Kanton), preuzimanje, način sticanja, upravljanja i raspolaganja imovinom i druga pitanja koja su u vezi sa imovinom Kantona.

Član 2.

Kanton je pravni sljedbenik Grada Sarajeva (u daljem tekstu: Grad) u imovini i imovinskim pravima, u skladu sa Zakonom o područjima općina SRBiH ("Slu ben list SRBiH", br. 47/62, 6/65, 14/66, 23/67, 3/70, 35/77, 31/78, 22/80, 33/90, 8/91 i 32/91).

Član 3.

Kanton preuzima sva prava i obaveze Grada koje proističu iz imovinsko-pravnih odnosa.

Član 4.

Kanton u potpunosti preuzima imovinu Grada na području Kantona, kao i na drugim područjima gdje je Grad posjedovao imovinu.

Član 5.

Imovinu Kantona, pored imovine stečene preuzimanjem u smislu odredaba čl. 2, 3. i 4. ovog zakona, čini pokretna i nepokretna imovina, prava i novčana sredstva stečena kupovinom ili na drugi način u skladu sa zakonima Bosne i Hercegovine i Federacije Bosne i Hercegovine.

Član 6.

Kanton je vlasnik imovine na području Kantona i to:

1. prirodnih bogatstava i dobara u općoj upotrebi;
2. nekretnina na kojima pravo korištenja i upravljanja imaju mjesne zajednice, udru enja građana i političke organizacije, izuzev sredstava koja su te zajednice i organizacije pribavile iz drugih izvora osim bud eta; sredstava za finansiranje zajedničkih potreba, donacija društvenih pravnih lica i samodoprinosu građana;
3. nekretnina na području Kantona koje su izgrađene ili po drugom osnovu stečene iz sredstava bud eta, sredstava za finansiranje zajedničkih potreba, te sredstava samodoprinosu građana i donacija, kao i imovine koja je stečena i po drugim osnovama, bez obzira da li se kod društvenog pravnog lica kao korisnika vode u poslovnim knjigama odnosno da li su upisane u zemljišne knjige;
4. društvenog kapitala iskazanog u bilansima stanja pravnih lica na dan 31. decembra 1991. godine, odnosno stanja utvrđenih nakon revizije.

Član 7.

Kanton vrši ovlašćenja i obaveze vlasnika po osnovu dr avnog kapitala prema preduzećima i ustanovama koja u cjelini ili djelimično imaju dr avni kapital, u skladu sa zakonom, osim preduzeća i ustanova nad kojima ovlašćenje i obaveze vlasnika vrše nadle ni organi Federacije.

Član 8.

Imovinom Kantona upravlja Skupština Kantona Sarajevo (u daljem tekstu: Skupština).

Predsjednik Kantona i Vlada Kantona mogu raspolagati imovinom u okviru ovlašćenja koja im Skupština prenese posebnim propisom.

Član 9.

Skupština mo e posebnim propisom prenijeti prava vlasništva na druga pravna lica, u skladu sa zakonom.

Član 10.

Vlada Kantona posebnim propisom uredit će način evidentiranja imovine iz čl. 2, 3, 4, 5, 6. i 7. ovog zakona i odrediti organe za njegovo provođenje.

Propis iz prethodnog stava Vlada Kantona će donijeti u roku od 15 dana od dana donošenja ovog zakona.

Član 11.

Odredbe člana 6. ovog zakona primjenjivat će se do donošenja zakona Federacije Bosne i Hercegovine i dr ave Bosne i Hercegovine.

Član 12.

Ovaj zakon stupa na snagu osmog dana od dana objavljivanja u "Slu benim novinama Kantona Sarajevo".

Broj 01-02-12/97
3. aprila 1997. godine
Sarajevo

Predsjedavajući
Skupštine Kantona Sarajevo,
Mirsad Kebo, s. r.

Na osnovu člana 18.b) Ustava Kantona Sarajevo ("Slu bene novine Kantona Sarajevo", br. 1/96, 2/96 i 3/96) i člana 20. Zakona o Agenciji za privatizaciju ("Slu bene novine Federacije BiH", broj 18/96), Skupština Kantona Sarajevo, na sjednici od 3. aprila 1997. godine, donijela je

ZAKON O KANTONALNOJ AGENCIJI ZA PRIVATIZACIJU

I - OPĆE ODREDBE

Član 1.

Ovim zakonom osniva se Kantonalna agencija za privatizaciju (u daljem tekstu: Agencija) kao upravna organizacija Vlade Kantona, utvrđuje njen pravni polo aj, sjedište, djelokrug i nadle nost, upravljanje, rukovođenje i finansiranje.

II - PRAVNI POLOŽAJ I SJEDIŠTE AGENCIJE

Član 2.

Agencija ima svojstvo pravnog lica.

Agencija je specijalizovana upravna organizacija Vlade Kantona Sarajevo (u daljem tekstu: Vlada Kantona).

Član 3.

Sjedište Agencije je u Sarajevu.

III - DJELATNOST I NADLEŽNOST AGENCIJE

Član 4.

Djelatnost Agencije je obavljanje stručnih i drugih poslova koji se odnose na privatizaciju.

Član 5.

U okviru svoje djelatnosti Agencija vrši naročito:

- organizovanje i podsticanje privatizacije preduzeća na teritoriji Kantona;
- odobrava početne bilanse preduzeća u skladu sa metodologijom za pripremu preduzeća za privatizaciju;



VII - AKTA VLADE KANTONA

Član 26.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 27.

Izuzetno za vrijeme trajanja ratnog stanja ili neposredne ratne opasnosti kada postoji objektivna nemogućnost da se sazove Skupština Kantona, Vlada može donositi i propise iz nadležnosti Skupštine Kantona.

Propisima iz stava 1. ovog člana ne mogu se staviti van snage prava i slobode utvrđene ustavom i drugim propisima.

Propise iz stava 1. ovog člana Vlada će dostaviti Skupštini na potvrdu čim ona bude u mogućnosti da se sastane.

Član 28.

Uredbom se uređuju najvažnija pitanja iz nadležnosti Vlade Kantona, bliže uređuju odnosi za provođenje zakona, obrazuju stručne i druge službe Vlade Kantona i utvrđuju načela za unutrašnju organizaciju organa uprave Kantona.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

Rješenjem se odlučuje o imenovanjima i razrješenjima, kao i o drugim pojedinačnim pitanjima iz nadležnosti Vlade Kantona.

Zaključkom se utvrđuju stavovi o pitanjima od značaja za provođenje utvrđene politike, uređuju unutrašnji odnosi u Vladi Kantona i određuju zadaci organima uprave i službama, kao i radnim tijelima Vlade Kantona. Zaključkom se odlučuje i u drugim slučajevima u kojima se ne donose druga akta.

Član 29.

Uredbe i odluke Vlade Kantona objavljuju se u "Službenim novinama Kantona Sarajevo", a ostali akti Vlade ako je to u njima navedeno.

VIII - JAVNOST RADA VLADE KANTONA

Član 30.

Javnost rada Vlade Kantona obezbjeđuje se u skladu sa zakonom kojim se reguliše sloboda pristupa informacijama u Federaciji Bosne i Hercegovine.

IX - STRUČNE I DRUGE SLUŽBE KANTONA

Član 31.

Za obavljanje stručnih i drugih poslova za potrebe Skupštine Kantona, Vlade Kantona i organe uprave, Vlada Kantona može osnivati određene stručne, tehničke i druge službe, kao zajedničke ili samostalne službe, u skladu sa zakonom.

Aktom o obrazovanju službe iz prethodnog stava, utvrđuje se njen djelokrug, kao i status i odgovornost te službe i lica koje njen rukovodi.

Član 32.

Vlada Kantona vrši nadzor nad radom stručnih službi koje obrazuje.

Sekretar Vlade Kantona rukovodi radom Stručne službe koja obavlja poslove za potrebe Vlade Kantona i odgovoran je za njen rad.

X - PRELAZNE I ZAVRŠNE ODREDBE

Član 33.

Vlada Kantona je dužna donijeti Poslovnik o svom radu u roku od 30 dana od svog konstituisanja.

Član 34.

Vlada Kantona Sarajevo dužna je uskladiti Poslovnik o radu sa odredbama Zakona o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 38/13), u roku od 30 dana od dana njegovog stupanja na snagu.

Član 35.

Poslovnik Izvršnog odbora Grada Sarajeva i drugi propisi koji se odnose na njegovo unutrašnje organizovanje i funkcionisanje, koji su na snazi na dan stupanja na snagu Zakona o Vladi Kantona Sarajevo ("Službene novine Kantona Sarajevo", broj 7/96), ukoliko nisu u suprotnosti sa Ustavom Kantona i ovim zakonom, primjenjivaće se kao propisi Vlade, dok se ne donese Poslovnik o radu Vlade Kantona.

Član 36.

Do imenovanja premijera i članova Vlade u skladu sa Zakonom o izmjenama i dopunama Zakona o Vladi Kantona Sarajevo ("Službene novine Kantona Sarajevo", broj 4/01), poslove iz nadležnosti Vlade vršit će Vlada u dosadašnjem sastavu.

Član 37.

Ovlašćuje se Zakonodavno-pravna komisija Skupštine Kantona Sarajevo da utvrdi Novi prečišćeni tekst Zakona o Vladi Kantona Sarajevo.

Član 38.

Zakon o izmjenama i dopunama Zakona o Vladi Kantona Sarajevo stupio je na snagu osmog dana od dana objavljivanja u "Službenim novinama Kantona Sarajevo", broj 38/13.

Na osnovu člana 16. Zakona o izmjenama i dopunama Zakona o sudskim taksama ("Službene novine Kantona Sarajevo", broj 18/14) i člana 181. Poslovnika Skupštine Kantona Sarajevo ("Službene novine Kantona Sarajevo", broj 41/12 - Drugi novi prečišćeni tekst i br. 15/13 i 47/13), Zakonodavno - pravna komisija Skupštine Kantona Sarajevo, na sjednici 22.08.2014. godine, utvrdila je Prečišćeni tekst Zakona o sudskim taksama.

Prečišćeni tekst Zakona o sudskim taksama obuhvata: Zakon o sudskim taksama ("Službene novine Kantona Sarajevo", broj 21/09), Zakon o izmjenama i dopunama Zakona o sudskim taksama ("Službene novine Kantona Sarajevo", broj 29/09), Zakon o izmjeni Zakona o sudskim taksama ("Službene novine Kantona Sarajevo", broj 14/11), Zakon o izmjenama Zakona o sudskim taksama ("Službene novine Kantona Sarajevo", broj 36/13) i Zakon o izmjenama i dopunama Zakona o sudskim taksama ("Službene novine Kantona Sarajevo", broj 18/14), u kojim je naznačen dan stupanja na snagu tih zakona.

Broj 01-05.22971-2/14
22. augusta 2014. godine
Sarajevo

Po ovlaštenju
Esad Hrvatić, s. r.

ZAKON

O SUDSKIM TAKSAMAMA

(Prečišćeni tekst)

DIO PRVI. OPĆE ODREDBE

Član 1.

(Plaćanje sudske takse)

- (1) Ovim zakonom utvrđuje se način plaćanja sudskih taksa (u daljnjem tekstu: takse) u postupku pred Kantonalnim sudom u Sarajevu i Općinskim sudom u Sarajevu (u daljnjem tekstu: sud).
- (2) Postupci u kojima se plaća taksa i visina takse za pojedine radnje, utvrđeni su u Tarifni sudskih taksi, koja je sastavni dio ovog zakona.

Član 2.

(Obveznik plaćanja takse)

- (1) Takse propisane ovim zakonom plaća lice po čijem zahtjevu ili u čijem interesu se preduzimaju radnje u postupku, za koje je ovim zakonom utvrđeno plaćanje takse (u daljnjem tekstu: takseni obveznik).
- (2) Za podneske i zapisnike koji zamjenjuju podneske taksu je dužno da plati lice koje podnosi podneske i lice na čiji zahtjev